



1 PARTONGGOAN KELUARGA

GKPS PADANG BULAN - RESORT POLONIA

Live streaming: www.gkpspadangbulan.com/tv

Tata Ibadah: <http://www.gkpspadangbulan.com/tatib>



Topik: TOPIK: "HATA NI JESUS NA GOK KUASA"

Parambilan: Pdt.CH. Purba, **Paragenda/Doding:** St.Jesri HT Purba; **Singer:** St. Robinson Girsang, Sy.Wanris Purba, **Tonggo Syafaat:** St.Surya Sembiring,
Pemusik: Andre Sinunlingga
Panorang: Jumat, 29 Januari 2021

1. VOTUM-INTROITUS-TONGGO

P: Pasirsir hita ma dirinta laho mamuji pakon pasangpakon Tuhan in!
Ibagas Goranni Naibata Bapa, pakon Tuhan Jesus Kristus ampa Tonduy Napansing, Sitompa langit pakon tanoh on. Amen.
Hata-Mu do rigapan bani naheihu, anjaha panondang bani dalanku. Haleluya.
Martonggo ma hita: Ham Tuhan Jesus parholong atei bangga mangidah hanami jolma pardousa on. Tarima kasih ampa puji-pujian ma sombahkonami Bamu, halani holong ni uhur-Mu na tarsulur in. Ipaluah Ham do hanami jolma pardousa, mambaen boi hanami martumpu ijon panorang on laho mamuji ampa pasangpakon goran-Mu. Marianan ma Ham i tongah-tongahnami, anjaha jalo Ham ma parsombahonami hu Bamu. Amen.

2. Mandoding 404. Ganup Ari do in (1+2)

1. Ganup ari do in, ronsi tahun hu tahun,
Sihol do hudodingkon Goran mu.
Ham Tuhan Naibata, sai hupuji do Ham,
halani haganup layak-Mu.
Ham arta naharga, poltik hujolom in,
humbani nahinan Ham do tong Naibatangkin.
Bonani na dear, ronsi sadokah nin.
Panondang na liar, bai ganup nagolap in.

2. Hatamu do Tuhan, hupindahi nuan,
bahen suluh bai pardalankin.
Pitah Ham dansa in, na mambotoh ijin,
Aha na huporluhon Tuhan.
Ham arta naharga, poltik hujolom in,
humbani nahinan Ham do tong Naibatangkin.
Bonani na dear, ronsi sadokah nin.
Panondang na liar, bai ganup nagolap in.

3. Mambasa Ayat Bulanan & Hatorangan

4. Mandoding 310. Ge Daoh Ponop Openi (1+2)

1. Ge daoh ponop openi ujungni dalankin
Tuhan do manogu ahu bani pardalanankin
Bahen Ham au pambalosi bani ganup rosuh-Mu
Lang be sangsi janah gobir sai tetap porsaya au

2. Tuhan ulang au paturut manontuhon langkahkin
Pitah Ham ma hutangihon bai ganupan goluh on
Bai ganup hahuranganku pakon pardousaonkin
Togu-togu Ham ma ahu das hubani ujungnin

5. Tonggo Pangapition

6. Mandoding 407. Puji ma Jahowa (1-2)

1. Puji ma Jahowa Tuhan Naibata, ai marjumbalang do Goran-Ni in
Haganupan jolma sai marsombah ma, sai hagoluhkon hata-Ni in
Holsoh haganupan mambur, tubuh ma malasni uhur
Gok bai pangarapan holong na tetap, rap mangolobkon Goran-Ni in

2. Ningon do marsombah bani Naibata, puji ma la pargogoh do in
Ulang marnaloja sai irikkon ma, rap mambalosi hata-Ni in
Holsoh haganupan mambur, tubuh ma malasni uhur
Gok bai pangarapan holong na tetap, rap mandodingkon: Haleluya!

7. Ambillan : Psalmen 111:1-10

8. Mandoding 411. Diatei Tupa ma Bamu Ham Naibata (1+2) Patuppu Galangan

1. Diatei tupa ma bamu Ham Naibata, mambaen tupa humpulannami on Igomgom Ham do horja nami on torsa, gok malas uhur do hanai ijon Ibere Ham do damei na tarsulur, sanggah manranggi horja haganup Nuan hanami rap marmalas uhur, mardingat haganup pambaenan-Mu

2. Ipardimata Ham do tong hanai on Tuhan, ai sorap do Tonduy-Mu in tongtong Ase torsa mardalan horja ganupan, Kuasa-Mu do in mambaen sintong Porini dong rundut ni paruhuran, sirsir do Ham manohu hanai on Ai hata-Mu do tong na pagolpahon, mambaen tapang nuan ganup ijon

9. TONGGO GALANGAN – TONGGO PENUTUP

P. Martonggo ma hita mangondoskon galanganta bani Naibata

Ham Tuhan Naibata Bapanami na i nagori atas. Tarima kasih ampa puji-pujian ma isombahkon hanami hu Bamu. Domma ijalo hanami hata-Mu na pinadasni juak-juak-Mu. Pargogohi Ham ma hanami mandalankon in bani goluhnami siganup ari. Bani panorang on iondoskon hanami ma dirinami pakon pasu-pasu na dob binere-Mu bannami, na gabe galangan hatarimakasihonnami hu Bamu. Sai jalo anjaha pasu-pasu Ham ma galangannami on, laho pabolaghon harajaon-Mu pakon pararatkon hata-Mu i dunia on, na gabe hasangapon-Mu, ibagas goran ni Anak-Mu Tuhan Jesus Kristus Tuhannami. Amen.

Riap ma hita martonggo marhitei tonggo na iajarhon Tuhan Jesus hubanta:

Ham Bapa nami na inagori atas. Sai napapansing ma Goran-Mu. Sai roh ma harajaon-Mu. Sai saud ma harusuhni uhur-Mu inagori tongah on songon na inagori atas. Bere Ham ma bannnami sadari on hagoluhan ari-ari. Sasap Ham ma dousa nami songon panasap nami bani dousa ni hasoman namardousa dompak hanami. Ulang hanami bobai Ham huparlajouan. Paluah Ham ma hanami humbani pangagou!

Ai Ham do simada harajaon pakon hagogohon ampa hasangapon sadokahni dokahni Amen.

P. Jalo hita ma pasu-pasu humbani Tuhan Naibata

Idobni uhurni Tuhanta Jesus Kristus pakon holongni ateini Naibata Bapa, ampa parsauran ni Tonduy Na Pansing ma mangkasomani hita haganupan, Amen

K: Diate tupa ma, bamu Ham Naibata

Ham Bapa na i Surga, diate tupa ma

Amen... (*mandodingkon*)